

Kantonalno javno komunalno preduzeće
„GRADSKI SAOBRAČAJ“ d.o.o. Sarajevo
ul Srđana Aleksića br 1, 71000 Sarajevo
UPRAVA PRERDUZEĆA

Broj: 041676
Datum: 15-12-2025

Na osnovu člana 64. stav (1) tačka b), člana 69. stav (1) tačka a), člana 70. stav (1), (3) i (6) Zakona o javnim nabavkama BiH („Službeni glasnik BiH“ broj 39/14, 59/22 i 50/24), člana 21. Pravilnika o nabavci roba, usluga i radova KJKP „Gradski saobraćaj“ d.o.o. Sarajevo, nakon provedenog postupka javne nabavke putem Konkurentskog zahtjeva za dostavljanje ponuda, u predmetu javne nabavke usluge; „LOT 3194 A – REPARACIJA KOČIONIH MEHANIZAMA AUTOBUSA“, Obavještenje o javnoj nabavci broj: 257-7-2-143-3-273/25, objavljeno na Portalu javnih nabavki dana 15.10.2025 godine, sažetak Obavještenja objavljen u „Službeni glasnik BiH“ broj: 63/25, od 24.10.2025 godine, na preporuku Komisije za javnu nabavku broj: 10329 i Prijedlog Komisije iz Zapisnika o pregledu i ocjeni ponuda broj: 10329/2, od 26.11.2025 godine, Uprava preduzeća donijela je:

ODLUKU
o izboru ponuđača za nabavku usluge:
„LOT 3194 A – REPARACIJA KOČIONIH MEHANIZAMA AUTOBUSA“

Član 1.

Prihvata se Preporuka Komisije za javne nabavke broj: 10329, od 26.11.2025 godine i Okvirni sporazum za nabavku usluge; „LOT 3194 A – REPARACIJA KOČIONIH MEHANIZAMA AUTOBUSA“, na period od 1 (jedne) godine, dodjeljuje se ponuđaču: „ABS“, d.o.o.Sarajevo, ul. Hifzi Bjelavca 5, 71000 Sarajevo, na osnovu ponude broj 99-P/25, od 30.10.2025 godine, koverat sa ponudom zaprimljen na protokol Ugovornog organa pod brojem: 9233, dana 31.10.2025 godine, umanjene nakon provedenog postupka nadmetanja putem E-aukcije u iznosu od 8,52 %, u odnosu na prvobitno ponuđenu cijenu pod slijedećim uslovima:

- | | |
|---------------------|--|
| 1) Ponuđena cijena: | 11.160,00KM bez PDV-a, odnosno 13.057,20 KM sa PDV-om |
| 2) Rok plaćanja: | do 60 dana od dana prijema fakture za izvršenu uslugu |
| 3) Rok izvršenja: | do 30 dana od dana dostave narudžbe |
| 4) Garantni rok: | 6 mjeseci od dana izvršenja usluge |
| 5) Kvalitet: | u skladu sa zahtjevima iz obrasca Tenički podaci i elementi Ponude |

Član 2.

Okvirni sporazum za nabavku roba će se dostaviti na potpis izabranom ponuđaču „ABS“, d.o.o.Sarajevo, ul. Hifzi Bjelavca 5, 71000 Sarajevo, nakon prijema Odluke o izboru ponuđača u skladu sa članom 98. stav (4) Zakona o javnim nabavkama.

Član 3.

- (1) U skladu sa članom 72. stav (3) tačke a), c), e) i f) Zakona o javnim nabavkama Ugovorni organ dostavlja prijedlog ugovora onom ponuđaču čija je ponuda po rang- listi odmah nakon ponude najuspješnijeg ponuđača u slučaju da najuspješniji ponuđač:
- propusti dostaviti originale ili ovjerene kopije dokumentacije iz čl. 45. Zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ; ili
 - u pisanoj formi odbije dodjelu ugovora; ili
 - propusti potpisati ugovor o nabavci u roku koji mu je odredio ugovorni organ; ili
 - odbije zaključiti ugovor pod uslovima navedenim u tenderskoj dokumentaciji i ponudi koju je dostavio.
- (2) Ugovorni organ će postupiti na način opisan u prethodnom stavu i u slučaju kada sljedeći rangirani ponuđač, kojem bude dostavljen prijedlog ugovora, postupi u smislu odredaba člana 72. stav (3) tačke a), c), e) i f) Zakona o javnim nabavkama.

Član 4.

Ponuda ponuđača „ABS“, d.o.o.Sarajevo, ul. Hifzi Bjelavca 5, 71000 Sarajevo, pobježe opisana u članu 1. ove Odluke, priznava se kvalifikovanom i prihvatljivom, u skladu s kriterijem za dodjelu Okvirnog sporazuma „Najniža cijena“ te ponude.

Član 5.
Ova odluka stupa na snagu danom potpisivanja i bit će objavljena na službenoj web-stranici Ugovornog organa, www.gras.ba, u skladu sa članom 70. stav (6) Zakona o javnim nabavkama.

Obrazloženje

KJKP „Gradski saobraćaj“ d.o.o. Sarajevo (u daljem tekstu: Ugovorni organ) je, u skladu sa odredbama Zakona o javnim nabavkama BiH („Službeni glasnik BiH broj 39/14, 59/22 i 50/24), Odlukom o pokretanju postupka javne nabavke broj: 04/453, od 26.08.2025 godine, pokrenuo Konkurentski zahtjev za dostavljanje ponuda za nabavku usluge; „LOT 3194 A – REPARACIJA KOČIONI MEHANIZAMA AUTOBUSA“.

Planirana vrijednost javne nabavke u Planu nabavke roba, usluga i radova KJKP „Gradski saobraćaj“ za 2025. godinu, dio usluge, redni broj:182, iznosi **12.200,00 KM bez PDV-a**.

Okvirni sporazum se zaključuje na period od 1 godine, sa jednim ponuđačem.

Prije pokretanja postupka javne nabavke, u skladu sa Članom 14a ZJN, izvršeno je istraživanje tržišta u svrhu pripreme nabavke i mogućnostima nabavke, upućeni e-mail zahtjevi za dostavljanje informativne ponude i svi dokumenti uloženi u predmet nabavke.

U skladu sa Članom 16. Zakona o javnim nabavkama predmetni postupak nabavke nije podjeljen na LOT-ove jer isti se ne može podijeliti na osnovu objektivnih kriterija, npr. prema vrsti, karakteristikama, namjeni, mjestu ili vremenu ispunjenja.

Obavještenje o javnoj nabavci broj: 257-7-2-143-3-273/25, objavljeno na Portalu javnih nabavki dana 15.10.2025 godine, sažetak Obavještenja objavljen u „Službeni glasnik BiH“ broj: 63/25, od 24.10.2025 godine.

Na osnovu Izvještaja o preuzimanju tenderske dokumentacije sa portala E-nabavke od datuma objave do krajnjeg roka za preuzimanje tendersku dokumentaciju je preuzelo 6 (šest) potencijalnih ponuđača.

Od strane potencijalnih ponuđača nije bilo postavljanja pitanja u vezi sa tenderskom dokumentacijom.

Komisija za javnu nabavku imenovana je Odlukom Uprave preduzeća broj: 05/882 od 29.10.2025. godine.

Na protokol Ugovornog organa, u ostavljenom roku za dostavljanje ponuda, blagovremeno su pristigle 2 (dvije) ponude, kako slijedi:

1) Ponuda ponuđača „DRR AUTO“, d.o.o. Kiseljak, ul. Kralja Tomislava 56,71250 Kiseljak, koverat sa ponudom zaprimljen na protokol Ugovornog organa pod brojem: 9213, dana 31.10.2025 godine

2) Ponuda ponuđača „ABS“, d.o.o.Sarajevo, ul. Hifzi Bjelavca 5, 71000 Sarajevo, koverat sa ponudom zaprimljen na protokol Ugovornog organa pod brojem: 9233, dana 31.10.2025 godine,

U ostavljenom roku za otvaranje ponuda, Komisija za javnu nabavku (u daljem tekstu Komisija) je dana 3.11.2025 godine blagovremeno i pravilno izvršila javno otvaranje dostavljenih ponuda i sačinila Zapisnik sa otvaranja ponuda, koji je elektronskim putem, na e-mail adrese naznačene u ponudama, dostavljen ponuđačima koji su dostavili ponude. Nakon javnog otvaranja Komisija je, dana 10.11.2025. godine, pristupila pregledu prispjelih ponuda i ocjeni dostavljenih dokumenata - kvalifikacija ponuđača.

Komisija je nakon pregleda i ocjene ponuda sačinila Zapisnik o pregledu i ocjeni ponuda prije e-Aukcije broj: 9622 dana 12.11.2025 godine, iz kojeg proizilazi sljedeće:

1) Na protokol Ugovornog organa su pristigle 2 (dvije) ponude, kako slijedi:

1. Ponuda ponuđača „DRR AUTO“, d.o.o. Kiseljak, ponuda br. 480 /2025, od 28.10.2025 godine, koverat sa ponudom zaprimljen na protokol Ugovornog organa pod brojem 9213, dana 31.10.2025 godine, vrijednost ponude 11.760,00 KM bez PDV-a

2. Ponuda ponuđača „ABS“, d.o.o.Sarajevo, ponuda br. 99-P/25, od 30.10.2025 godine, koverat sa ponudom zaprimljen na protokol Ugovornog organa pod brojem: 9233, dana 31.10.2025 godine, vrijednost ponude 12.200,00 KM bez PDV-a,

3. nije bilo neblagovremeno zaprimljenih ponuda,

4. tokom pregleda i ocjene ponuda nije primijenjen institut pojašnjenja u smislu 68. stav 3. Zakona,

5. nije bilo uočenih ispravki u prispjelim ponudama,
6. dostavljene ponude ponuđača ispunjavaju zahtjeve tražene tenderskom dokumentacijom i Komisija iste cijeni prihvatljivim,
7. nije bilo neprihvatljivih ponuda.

Nakon pregleda i ocjene prihvatljivih ponuda Komisija je utvrdila Rang listu prihvatljivih ponuda prije provođenja planiranog postupka nadmetanja učesnika putem E-aukcije, kako slijedi:

Rang	NAZIV I SJEDIŠTE PONUĐAČA	Iskazana cijena na javnom otvaranju, bez uračunatog PDV-a	Iskazana cijena na javnom otvaranju, sa uračunatim PDV-om
1.	„DRR AUTO,, d.o.o. Kiseljak	11.760,00	13.759,20
2.	„ABS,, d.o.o.Sarajevo	12.200,00	14.274,00

Kako su u postupku nabavke zaprimljene dvije kvalifikovane ponude, Komisija konstatuje da postoje uslovi za provođenje planiranog postupka nadmetanja putem „E-aukcije“ obzirom na broj prispjelih prihvatljivih ponuda.

Nakon provedenog postupka nadmetanja putem „E-aukcije“ održanog dana 17.11.2025. godine, Komisija je nastavila sa radom i uvidom u Izvještaj o toku i završetku E-aukcije utvrdila:

- da je tokom E-aukcije; ponuđač „ABS,, d.o.o. Sarajevo umanjio svoju početnu cijenu za 8,52 % dok je ponuđač „DRR AUTO,, d.o.o. Kiseljak umanjio svoju početnu cijenu za 5 %,

- da iz Izvještaja o toku i završetku E-aukcije slijedi Rang lista ponuđača - učesnika u postupku e-aukcije, kako slijedi:

Naziv i sjedište ponuđača	Iskazana konačna cijena u nadmetanju putem E-aukcije, bez uračunatog PDV-a	Umanjenje početne cijene u procentualnim iznosima
1. „ABS,, d.o.o.Sarajevo	11.160,00 KM	8,52 %
2. „DRR AUTO,, d.o.o. Kiseljak	11.172,00 KM	5 %

Komisija je na osnovu Zapisnika o pregledu i ocjeni ponuda prije E-aukcije broj 9662 od 12.11.2025 god. i Izvještaja o toku i završetku E-aukcije od 17.11.2025 god. sačinila Zapisnik o pregledu i ocjeni ponuda nakon E-aukcije broj 10329/2 i Preporuku za zaključivanje Okvirnog sporazuma broj: 10329 od 26.11.2025 godine, u kojima predlaže da se, u postupku javne nabavke usluge; „LOT 3194 A – REPARACIJA KOČIONIH MEHANIZAMA AUTOBUSA“, na osnovu kriterija za dodjelu Okvirnog sporazuma „Najniža cijena“, zaključi Okvirni sporazum za nabavku, na period od jedne godine, sa ponuđačem „ABS,, d.o.o.Sarajevo čija cijena ponude bez PDV-a iznosi 11.160,00 KM.

Uprava preduzeća je svojim Zaključkom broj 04/656, od 2.12.2025. godine prihvatila Preporuku Komisije za dodjelu Okvirnog sporazuma.

Komisija za javnu nabavku je blagovremeno i pravilno izvršila otvaranje i ocjenu prispjelih ponuda, o čemu je sačinila pripadajuće Zapisnike.

Komisija je u svom radu u potpunosti poštivala Zakon o javnim nabavkama BiH i podzakonske akte i izbor najpovoljnijeg ponuđača izvršen je u skladu sa Zakonom o javnim nabavkama BiH, podzakonskim aktima, internim aktima Ugovornog organa i tenderskoj dokumentaciji.

Izabrani ponuđač je ocjenjen na osnovu kriterija „Najniža cijena“, odnosno na osnovu kriterija utvrđenih u obavještenju o nabavci i tenderskoj dokumentaciji, kako slijedi:

Naziv/ime ponuđača	„ABS,, d.o.o.Sarajevo
Adresa	ul. Hifzi Bjelavca 5, 71000 Sarajevo
Ukupna cijena ponude bez PDV-a	11.160,00 KM
PDV	1.897,20 KM
Ukupna cijena ponude sa PDV-om	13.057,20 KM
Način plaćanja	Do 60 dana od dana prijema fakture za izvršenu uslugu
Kvalitet	Kao u tehničkim elementima ponude
Rok izvršenja	Do 30 dana od dana dostave narudžbe
Garantni rok	6 mjeseci od dana izvršenja usluge


Iz navedenih razloga, primjenom člana 64. stav (1) tačka b), člana 69. stav (1) tačka a), člana 70. stav (1), (3) i (6) Zakona o javnim nabavkama BiH („Službeni glasnik BiH" broj 39/14, 59/22 i 50/24), člana 21. Pravilnika o nabavci roba, usluga i radova KJKP „Gradski saobraćaj" d.o.o. Sarajevo, odlučeno je kao u dispozitiva ove odluke.

POUKA O PRAVNOM LIJEKU

U skladu sa odredbama člana 101. stav (5) tačka c) Zakona o javnim nabavkama („Službeni glasnik BiH“, broj: 39/14, 59/22 i 50/24), u daljem tekstu Zakona, protiv ove odluke može se izjaviti žalba Ugovornom organu, koja treba biti sadržana u skladu sa odredbama člana 105, Zakona, u roku od 5 (pet) dana od dana prijema ove odluke.

Shodno odredbama člana 100. Stav (3) Zakona, ako u roku za izjavljivanje žalbe nije dostavljen dokaz iz člana 105. stav (1) tačka i) zakona o plaćenju naknadi za pokretanje žalbenog postupka, u iznosu propisanom članom 108. zakona, na osnovu kojeg se može nesumnjivo utvrditi da je transakcija izvršena, ugovorni organ odbacit će žalbu kao neurednu bez pozivanja žalioca na dopunu ili ispravak.

Žalba se izjavljuje URŽ-u putem ugovornog organa u pisanom obliku neposredno na protokolu ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Za Ugovorni organ
Generalni direktor

Mr. Senad Mujagić

Dostavljeno:

1. Ponuđač „ABS,, d.o.o.Sarajevo, ul. Hifzi Bjelavca 5, 71000 Sarajevo
2. Ponuđač „DRR AUTO,, d.o.o. Kiseljak, ul. Kralja Tomislava 56,71250 Kiseljak
3. UPRAVA PREDUZEĆA
4. Odjeljenje javnih nabavki (u spis)
5. Odjeljenje javnih nabavki
6. Interna revizija
7. Arhiva